



Y Bwrdd Taliadau

15 Mehefin 2022

Cais am wybodaeth.

Diolch am eich cais, a ddaeth i law ar 17 Mai, pan wnaethoch ofyn:

How many days has the remuneration board sat for each of the last 5 years, broken down by year?

Clarified: I would like to define 'sat' as any meeting held for which minutes were taken and for which members of the board were remunerated.

Mae Bwrdd Taliadau Annibynnol y Senedd ("y Bwrdd") yn gorff penodol ac ar wahân i Senedd Cymru ("y Senedd"). At ddibenion Deddf Rhyddid Gwybodaeth 2000, mae'r Senedd yn cadw'r wybodaeth yr ydych wedi gofyn amdani ar ran y Bwrdd. Mae'r Bwrdd wedi darparu'r ymateb canlynol, yr wyf yn ei drosglwyddo i chi ar ran y Bwrdd.

Mae'r Bwrdd yn cyhoeddi agendâu a chofnodion holl **gyfarfodydd** y Bwrdd y mae aelodau'r Bwrdd yn cael eu talu amdanynt. Cyhoeddir tâl pob aelod o'r Bwrdd yn flynyddol yn **adroddiad blynyddol** y Bwrdd. Yn ôl **Mesur Cynulliad Cenedlaethol Cymru (Taliadau) 2010**, rhaid i'r Bwrdd Taliadau Annibynnol, cyn gynted â phosibl ar ôl diwedd pob blwyddyn ariannol, osod gerbron y Senedd adroddiad blynyddol ar ei weithgareddau, gan gynnwys sut mae wedi defnyddio adnoddau, yn ystod y flwyddyn

Senedd Cymru
Bae Caerdydd
Caerdydd, CF99 1SN

Welsh Parliament
Cardiff Bay
Cardiff, CF99 1SN
Ffôn/Tel: 0300 200 6224

E-bost/Email: Ceisiadau-gwybodaeth@senedd.cymru
Information-request@senedd.wales

ariannol honno. Fel arfer, mae'r Bwrdd yn cyhoeddi ei adroddiad blynyddol ym mis Gorffennaf bob blwyddyn.

Nid yw'r Adroddiad Blynyddol ar gyfer 2021-22 wedi'i gyhoeddi eto. Unwaith y caiff ei gyhoeddi, bydd yr adroddiad ar gael ar wefan y Bwrdd (wedi'i amserlennu ar gyfer mis Gorffennaf) - [Adroddiad Blynyddol \(bwrddaliadau.cymru\)](https://www.bwrddaliadau.cymru)

Gan fod y wybodaeth hon eisoes ar gael, mae eich cais yn ddarostyngedig i adran 21 o'r Ddeddf Rhyddid Gwybodaeth sy'n eithrio gwybodaeth sydd ar gael yn rhesymol drwy ddulliau eraill.

Oherwydd mai'r bwriad yw cyhoeddi adroddiad blynyddol 2021-22 yn ystod yr wythnosau nesaf, lle bydd gwybodaeth y flwyddyn ariannol ddiwethaf ar gael, nid ydym yn bwriadu darparu'r wybodaeth yn awr gan y bydd modd i chi ei gweld pan gaiff ei chyhoeddi. Mae'r rhesymau dros beidio â darparu'r wybodaeth hon ar hyn o bryd wedi'u hegluro yn Adran 22 o'r Ddeddf Rhyddid Gwybodaeth. Am ragor o wybodaeth, gweler yr [Atodiad](#).

Yn gywir

Buddug Saer
Rheolwr Rhyddid Gwybodaeth
Welsh Parliament

Mae eich cais wedi'i ystyried yn unol â'r egwyddorion a nodir yn y **Cod Ymarfer ar Ganiatáu i'r Cyhoedd Wedd Gwybodaeth**. Mae croeso ichi gysylltu â mi os oes gennych unrhyw gwestiynau am yr ymateb hwn. Os ydych yn teimlo bod gennych achos i gwyno, dylech ddilyn y canllawiau isod.

A oes gennych achos i bryderu neu i gwyno ynghylch yr ymateb a gawsoch i'ch cais?

Os ydych yn anfodlon ar sut y mae Senedd Cymru wedi ymdrin â'ch cais, gallwch ofyn am adolygiad mewnol o fewn 40 diwrnod gwaith i ddyddiad yr ymateb hwn. Dylid cyfeirio ceisiadau am adolygiad mewnol at y Rheolwr Rhyddid Gwybodaeth drwy ddefnyddio'r cyfeiriad e-bost a ganlyn:

Ceisiadau-gwybodaeth@senedd.cymru neu'n ysgrifenedig i

Welsh Parliament
Llywodraethu a Sicrwydd
Cardiff Bay
Caerdydd
CF99 1SN

Atodiad

Mae adran 22 o Ddeddf Rhyddid Gwybodaeth 2000 yn darparu bod:

(1) Gwybodaeth yn wybodaeth wedi'i heithrio:

- (a) os yw'r wybodaeth yn cael ei chadw gan yr awdurdod cyhoeddus gyda'r bwriad o'i chyhoeddi, gan yr awdurdod neu gan berson arall, rywbyrd yn y dyfodol (p'un a yw'r dyddiad wedi'i bennu ai peidio);
- (b) os oedd y wybodaeth yn cael ei chadw eisoes gyda'r bwriad o'i chyhoeddi pan wnaed y cais am ei gweld, a
- (c) os yw'n rhesymol o dan yr holl amgylchiadau i beidio â rhyddhau'r wybodaeth tan y dyddiad a nodir ym mharagraff (a).

Mae adran 22 yn eithriad amodol a chan hynny mae angen ystyried prawf o fudd cyhoeddus.

Mae Mesur Cynulliad Cenedlaethol Cymru (Taliadau) 2010 yn ei gwneud yn ofynnol bod y Bwrdd Taliadau'n cyhoeddi gwybodaeth o'r fath fel bo angen, i alluogi'r cyhoedd i fod yn ymwybodol o'i weithgareddau. Bydd yn gwneud hynny drwy gyhoeddi adroddiad blynyddol, yn ogystal ag agendâu a chofnodion cyfarfodydd.

Arfer y Bwrdd yw cyhoeddi'r wybodaeth rydych yn chwilio amdani fel rhan o'i adroddiad blynyddol, a disgwylir i hyn ddigwydd ym mis Gorffennaf.

Ni allwn weld unrhyw amgylchiadau sy'n awgrymu y byddai datgelu'r wybodaeth yn gynt nag arfer o unrhyw fudd cyhoeddus yn yr achos penodol hwn, heblaw ei bod yn unol â'r trefniadau hyn. Gan hynny, rydym o'r farn nad yw'r budd cyhoeddus a fyddai ynghlwm wrth ddatgelu'r wybodaeth yn gynt nag arfer yn drech na'r budd cyhoeddus sydd ynghlwm wrth gadw at y trefniadau uchod.